

Broj: 03-02-2-385-1/25
Sarajevo, 20.10.2025.godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

**OPĆINE VOGOŠĆA
N/r Migdad Hasanović, Načelnik**

PREDMET: Mišljenje na Nacrt Gender akcionog plana Opštine Vogošća za period 2025.-2031. godinu (LGAPa) - sa Zakonom o ravnopravnosti spolova u Bosni i Hercegovini (Službeni glasnik BiH, broj 16/03 i 102/09), **dostavlja se**

Veza: Vaš akt dostavljen putem emaila od 10.10.2025. godine

Poštovani,

Vezano za Vaš zahtjev, kojim od Gender Centara Federacije Bosne i Hercegovine (u daljem tekstu: Gender Centar) tražite mišljenje na dokument *Nacrt Gender akcionog plana Opštine Vogošća za period 2025.-2031.godine (LGAPa)*, te na osnovu člana 27. Stav (1), tč. B) i i) Zakona o ravnopravnosti spolova u Bosni i Hercegovini – prečišćen tekst („Službene glasnik BiH”, broj 32/10), dajemo sljedeće

MIŠLJENJE

Nakon izvršenog uvida u tekst Nacrta Gender akcionog plana Opštine Vogošća za period 2025.-2031. godine dostavljen od strane Opštine Vogošća, Gender Centar Federacije Bosne i Hercegovine nema primjedbi niti sugestija iz okvira svoje nadležnosti, na dostavljeni predmetni Nacrt Gender akcionog plana Opštine Vogošća 2025.-2031.godine (LGAPa).

O B R A Z L O Ž E N J E

Predmetni dokument LGAP oslanja se na normativni, strateški i institucionalni kontekst u Bosni i Hercegovini (BiH) i Federaciji Bosne i Hercegovine (FBiH) te je relevantan principima Ustava BiH i Ustava FBiH, Zakona o ravnopravnosti spolova u BiH i Zakona o zabrani diskriminacije u BiH;

Aktivnosti, mjere i indikatori postavljeni su u skladu sa Gender akcionim planom Bosne i Hercegovine GAP BiH 2023-2027.g („Službeni glasnik Bosne i Hercegovine broj 82/23”) koji je zakonska kategorija propisana Zakonom o ravnopravnosti spolova u BiH;

Uzeti su u obzir i strateški dokumenti doneseni na nivou Bosne i Hercegovine, Federacije Bosne i Hercegovine i Kantona Sarajevo, a koji čine strateški okvir za planiranje programa mjera za unapređenje ravnopravnosti spolova u jedinicama lokalne samouprave, i to:

- Operativni plan Federacije BiH za implementaciju Gender akcionog plan za period od 2024- 2027. Godine;
- Akcioni plan za primjenu Rezolucije Vijeća sigurnosti UN-a 1325 „Žene, mir i sigurnost” u Bosni i Hercegovini za period od 2024. do 2027. Godine;
- Okvirna strategija za provedbu Konvencije o prevenciji i borbi protiv nasilja nad ženama i nasilja u porodici u Bosni i Hercegovini;
- Strategija za prevenciju i borbu protiv nasilja u porodici u Federaciji BiH (2024-2027);

U potpunosti slijedi Metodologiju za izradu lokalnih gender akcionih planova u Federaciji Bosne i Hercegovine, kojom se nastoji zauzeti pristup sistemskog planiranja programa mjera za unapređenje ravnopravnosti spolova u jedinicama lokalne samouprave kao odgovor na pitanje koje je identificirano za period od 2025.-2031.godine;

Posebna pažnja posvećena je propisima i politikama Opštine Vogošća, te slijedi principe Strategije lokalnog razvoja Opštine Vogošća 2023.-2027., Strategija razvoja Kantona Sarajevo 2021-2027. i Gender akcionog plana Kantona Sarajevo;

Slijedi principe rodne ravnopravnosti i odredbe propisane Evropskom Poveljom o rodnoj ravnopravnosti na lokalnom nivou koja predviđa da će njene potpisnice, u skladu sa svojim nadležnostima priznati, poštovati i primjenjivati relevantna prava i principe ravnopravnosti između žena i muškaraca i boriti se protiv nepovoljnog položaja i diskriminacije na osnovu spola” (Član 8.);

Kao strateško-planski dokument Općine, svojom implementacijom će poticati budući rast i razvoj zajednice, te unaprijedi ravnopravnost spolova u zajednici.

Na osnovu gore navedenog, Gender Centar Federacije Bosne i Hercegovine može dati saglasnost i **pozitivno mišljenje** na dokument „Nacrt Gender akcionog plana Opštine Vogošća 2025.-2031.godine”, a u vezi sa provedbom Zakona o ravnopravnosti spolova u Bosni i Hercegovini.

S poštovanjem,


DIREKTOR
Samir Numanović